



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De sacerdote, quem cum gladio eunte ad ecclesiam, diabolus terruit, cap.
55.

urn:nbn:de:hbz:466:1-13177

horror inuadit me, tam in choro, quam in reliquis locis. Quæ tibi videtur huius horripilationis esse ratio? CÆSARIVS: Ex præsentia dæmonum est. Natura ^{Diabolus;} canis, qui lupum insequi consuevit, talis est, ut eū ex ^{etiam nō} quadam vi naturæ iuxta se sentiat, cùm tamen oculis ^{cospecti,} illam non videat: & quia inter eos odium naturale ^{sata præ-} est, turbatur statim & latrat. Sic est inter hominem & ^{sentia hō} diabolum. Inimicitias posuit inter eos Dominus: vnde ^{mini hor} de vœ homini, qui cum illo pacificatur, semper calca- ^{rorem in} neo eius diabolus insidiatur. Et licet eum homo ex- ^{currit.} terior non videat, interior, id est spiritus, illius mali- ^{Gen. 3.} gni spiritus iuxta se præsentiam bene sentit. Quid ergo mirum, si tunc turbatur, si horrorem patitur? Hoc verum esse, exemplo tibi demonstrabo.

C A P V T L V.

Vxtra Coloniam sacerdos quidam fuit Michaël nomine, satis religiosus in genere suo, duarum villarū ecclesiás rexit, ex quibus vna Burge, altera Rode vocatur. Tempore quodam Parasœue, cùm in vna ecclesia serò matutinas dixisset, & ante diem, seruo suo absente, solus ad alteram properaret, timore viæ gladii secum portauit. Qui cùm ad quoddam nemus venisset, tantus timor & horror eum inuasit, vt omnes pili capitis eius, sicut dici solet, sursum erigerentur, & gelido sudore omnes eius artus perfunderentur. Quæ tamē tanti horroris causa latere nō potuit, quia mox ^{vt oculos ad nemus vertit, hominem teterrimum iuxta arborem satis altam stare conspexit: qui eo in-} tuente in momento adeò crescendo aſcendit, ^{vt eidē arbori æquaretur, circa quem fragor arborum & ni-} mij fremitus ventorum excitabantur. Territus supra modum sacerdos, fugit, quem diabolus cum turbine à tergo insequens, vsque ad Villam Rode nō deseruit. Postea cùm idem sacerdos visionem simul & timorem Conuerso nostro Richardo recitaret, ille si- eut vir est religiosus, religiosum ei verbum respon- dit: Domine, inquit, ecclesiastice, si ad diuina eundo psalmū in os vestrū assumpsissetis, non yobis hæc in via euenissent, terror ille pœna peccati fuit; Diabolus

DE DÆMONIBVS

324

Iob 41.

revera timet psalmum, non gladium; Corpus eius, re
at Iob, immo Dominus ad Iob, quasi scuta fusilia, compactum squamis sese comprimitibus. Reputabit quasi paleas ferrum, & quasi lignum putridum, &c. Non est super terram potestas, quæ comparetur ei. A P O L
L O N I V S: Sicut colligo ex his verbis sancti Iob, si diabolus virtus ligata & limitata non esset, nullus hominum subsistere posset. C A E S A R I V S: Quod autem hominem laedere non possit, nisi quantum a Deo fuerit permisus, in fine huius distinctionis satis manifesto tibi pandam exemplo.

C A P V T L V I.

Demo-
nem non
plus pos-
se, quam
ei à Deo
fuerit
permis-
sum.

I N villa quadam, ante paucos annos, diœcesis Coloniensis, quæ Ambula vocatur, cāpanarius fuit, & fortè adhuc viuit, votum habens cuiusdam peregrinationis. Hic cum die quadam conduxisset cum femina quadam villa suæ, quod manè pariter ituri essent, illa eum rogauit, ut maturius surgeret, & matutinas pulsaret, propter solis feruorem, & promisit. Eadem nocte diabolus ad lectum eius veniens, tetigit eū & ait: Pulsa matutinas, sicque discessit. Qui mox surgens, & lumen in ecclesia ardere conspiciens, cum ante primum galli cantum esse deprehendisset, putans quia à prædicta femina fuisset excitatus, de ecclesia exiuit, volens illi dicere ut iret dormitum, eo quod nimis manè esset. Quam eum quereret, nec inueniret, bouem nigrum contra se stare vidit, qui lingua emissa hominem tetigit, eumque super dorsum suum per illum misit, & per aërem cum illo volitans, super pinnaturris castri, quod Isenburg dicitur, depositus. Cui cum diceret: Timēsne aliquid modò? Respondit ille: Dei permissione hoc ductus sum, nihil contra me poteris, nisi quantū ille permiserit. Ad quod diabolus: Fac mihi homagium, & ego te deponam, daboque tibi diuitias multas: quod si non feceris, vel fame in hoc loco morieris, vel præcipitò interibis. Cui campanarius, spem habens in Christo, respondit: Adjuro te per nomen Iesu Christi, ne me laedas, & ut me sine periculo corporis mei deponas. Mox diabolus illum tollens, in

campo